

Պատմական ճակատագիրը դաժան փորձությունների ենթարկեց հայ ժողովրդին: XX դարասկզբին սրածվեց մի ամբողջ ազգ: Նրա փրկված բեկորները, իրենց բնօրրանը կորցրած, ցրվեցին աշխարհով մեկ: Հայրենի եղերթի ավանդույթները, յուրօրինակ բառուբանր տասնամյակների ընթացքում սփռվեցին հանդեսների ու պարբերականների, երբեմն էլ՝ առանձին ժողովածուների էջերում: Ավելի ուշ՝ ամփոփվելով պատմագրագրական տարբեր շրջաններն ընդգրկող հրատարակություններում («Հայ ժողովրդական հեթիաթներ», «Հայ ազգագրություն և րանահյուսություն» և այլն), բանահյուսական և ազգագրական նյութերը մեծ առաքելութուն ունեին հավաստելու, որ ղժվար է րեկեել հայի ոգին: Հայը, հակառակ րոյոր արհավիրքներին, ինչպես նշվում է գրախոսվող ժողովածուում, «Հարյուրամյակի 3-րդ եղեռնից հետո էլ հասավ նոր ժամանակների լույսին»՝ ընթերցողի սեղանին դնելով «Բաքվի հայոց րանահյուսությունը»:

Ժողովածուի ծնունդը դժվարին էր: Այն ծնվեց Հայաստանի Ակադեմիայի հնագիտության և ազգագրության ինստիտուտի հայ ժողովրդական բանահյուսության բաժնում, ՀՀ ԳԱԱ թղթակից անդամ Աարդիս Հարությունյանի խմբագրությամբ՝ ի հիշատակ ադրեջանցի թուրքերի բռնարարքներին զոհ դարձած, անհետ կորած ու անշիրիմ մեր հայրենակիցների: Ծնվեց ժողովրդագիտության արժեքը գիտակցող ազնվագույն մտավորական, Արցախի հոգսերով մտահոգ պարոն Գուրգեն Մելիքյանի սիրահոթար աջակցությամբ, որին իրենց խորը երախտագիտությունն են հայտնում կազմողները ինստիտուտի գիտաշխատողներ, բանասիրական գիտությունների թեկնածուներ Ալվարդ Ղազիյանը և Սվետլանա Վարդանյանը:

Ինչպես ամեն մի երկար սպասված ծնունդ՝ ժողովածուն ցանկալի էր, որով-

հետև առաջին անգամ է Բաքվի հայոց բանահյուսությունն ընթերցողին ներկայանում ամբողջական բովանդակությամբ և ժանրային-գեղարվեստական տեսակետից համեմատաբար անթերի բանահյուսական հազվագյուտ նմուշներով: Ժողովածուի պատմաբանասիրական ակնարկում կազմողները լուսաբանում են Բաքվում հայերի հաստատման պատմությունը, տեղեկություններ հաղորդում նրանց ստեղծած հոգևոր և նյութական արժեքների վերաբերյալ: Քննության են առնվում բանահյուսական նյութերի ժանրային առանձնահատկությունները, ժամանակի և տարածության մեջ կրած տարաբնույթ ձևափոխություններն ու ավանդապահության մակարդակը:

Աղբյուրները վկայում են, որ տակավին վաղ միջնադարում հայերը Ապշերոնյան թերակղզում և Բաքվում ունեցել են իրենց պաշտամունքային օջախները: 1724 թ. Բաքու այցելած Պետրոս I-ը բավարարել է հայերի խնդրանքը՝ թույլատրելով նրանց բնակություն հաստատել մերձկասպյան շրջաններում: Լինելով ցարական Ռուսաստանի նավթարդյունաբերության կենտրոն՝ Բաքուն դեպի իրեն է ձգում հայերի մի քանի սերունդ: Էթնիկական ճնշումների և ազգագրական փոփոխությունների ենթարկվելով՝ արցախահայերը թողնում են բնօրրանն ու մեկնում Բաքու՝ իրենց գործիմացության և անսպառ եռանդի շնորհիվ ձեռք բերում մեծ հարստության, նպաստում քաղաքի տնտեսական ու մշակութային կյանքի բարգավաճմանը: Խնամքով նախապատրաստված ուղմավարությամբ՝ Ագրեջանն այդ եղանակով իրականացնում էր Արցախի հայաթափման գործընթացը:

Ինչպես Արևելյան Անդրկովկասի ողջ հայությունը XX դ., Բաքուն նույնպես ապրում է ցեղասպանության երեք փուլ: 1905 թ. փետրվարի 6-10-ը Բաքվում բարբարոսաբար սպանվում են 205 հայ, այդ

թվում բազմաթիվ կանայք ու երեխաներ: 1918 թ. սեպտեմբերյան ջարդերին զոհ է գնում Բաքվի Հայության շուրջ 33-ը՝ 30 Հազար մարդ: 1988-ին սկիզբ առած արցախահայրենյան ազգային-ազատագրական պայքարը խեղդելու նպատակով Սումգայիթում սկսվում են Հայկական առաջին ջարդերը (1988 թ. փետրվարի 27-29): Բաքվում Հաճախակի դարձած բռնությունները Հանգեցնում են 1990 թ. Հունվարյան զանգվածային բռնագաղթին: Բաքվի Հայութունն ապրում է Հարյուրամյակի 3-րդ եղևունը՝ վերստին դառնալով թուրք-թաթարների ցեղային բնազդի զոհը: 1990-ական թվականներին իրենց շին ու ծաղկուն օջախները, պապերի շիրիմները թողած Բաքվի Հայության Հետ մեկտեղ աշխարհով մեկ սփռվում են նաև նրանց Հիշողության մեջ անթեղված Հոգևոր արժեքները:

Ժողովածուում ներկայացված բնագրերում մեծ մասամբ պահպանված են բարբառային յուրահատկությունները, թեև տեղաշարժերը բարբառային նրբերանգների խաթարման պատճառ են դարձել: Բանասացների բառապաշարում, ինչպես նկատում են ժողովածու կազմող բանագետները, առկա է լեզվաբարբառային երեք շերտերի՝ բնօրրանի, օտար միջավայրի, Երևանի գրական լեզվի ձուլման գործընթացը: Յուրաքանչյուր Համայնք, գյուղ կամ քաղաք ցայսօր կառուցվում է կենտրոն-Հրապարակ սկզբունքով: Այդ Հրապարակները դառնում են զանգվածային Հավաքատեղիներ, որտեղ Հարգվում են դիպուկ խոսքը, Հումորն ու սրախոսությունը: Ծիշտ նույն կերպ Շուշիի «Թոփխանա» Հրապարակից էր ծայր առնում ժողովրդական բանահյուսությունը: Որոշ բանասացների վկայությամբ 1921-1922 թթ. Բաքվի Հայերն իրենց Համար Հատուկ Հավաքատեղի էին ընտրել «Նասոսնի ստանցիա» կոչված վայրն ու «Բարուն բաղ» անունով Հայտնի այգին: Տեղեկատվական այդ յուրօրինակ միջավայրում Բաքվի Հայերը պատմում էին բնօրրանի Հետ կապված Հիշողություններ, մեծերից լսած զրույցներ, հեքիաթներ ու զվարճապատումներ: Բանահյուսական նյութերի պահպանման գործում կարևոր դեր է կատարել նաև Հայկաշեն («Էրմանիքենդ»)

կոչված թաղամասը. այնտեղ ազոռոջ Հայերի Համախումբ կենտակերպը. բնօրրանի Հետ ունեցած նրանց մշակական փոխանցումները:

Ժողովածուում ընդգրկված բանահյուսական բնագրերի գրառումները ներկայացնում են ժամանակագրական երեք շերտ: 1977 թ., 1985-1986 թթ., 1994-1999 թթ.: Առաջին շերտը կազմված է բանահավաք Բարխուդար Ղազիյանի կողմից Բաքվում գրառված նյութերից: Երկրորդ՝ օտար շերտը, 1985-1986 թթ. Էջմիածնի շրջանի Գրիբոյեդով գյուղում բանահավաք Սվետլանա Վարդանյանի գրառումներից: Երրորդ շերտը՝ 1990-ական թվականներին Սվետլանա Վարդանյանի և Ավարզ Ղազիյանի կողմից Երևանում գրառած նյութերից:

Բնագրերը ներկայացված են չորս բաժիններով՝ արձակ պատմողական բանահյուսություն (հեքիաթներ, ավանդություններ, Հանդատեղերի, աղբյուրների, ջրաղացների և սրբավայրերի անուններ, սնահավատական զրույցներ, Հավատալիքներ, երգիծական, կենցաղային, կենդանական զրույցներ, Հուշապատումներ, Հուշեր՝ Ղարաբաղում կատարված տարբեր իրադարձությունների և 1988-1990 թթ. Բաքվում տեղի ունեցած դեպքերի մասին, ասութային բանահյուսություն), քնարական բանահյուսություն (Հայրենասիրական, սիրային, կենցաղային, մանկական երգեր, սգերգեր, շուտասելուկներ, Հանգավոր ասելուկներ), սովորություններ (բարքեր, վարքի կանոններ, մանկական խաղեր), Հավելված (աշուղական երգեր, քառյակներ): Ասութային բանահյուսության նմուշներից առկա են առած-ասացվածքները, օրհնանք-բարեմաղթանքները, անեծքներն ու Հանելուկները: Սակավ են աղոթքները. «Տեր Աստված, մեր բալան պահե, սովը, ծարավությունը, դավին մըզանա Հեռե պահե» [8(378), էջ 283]:

1977 թ. գրառումներում բանասացների ազգագրական կազմը բազմաշերտ է (Արցախ, Զանգեզուր, Ղարս, Գանձակ): 1985-1986 թթ. գրառումների բանասացները ծագումով պատկանում են Նուբիի և Արցախի ազգագրական շրջաններին, իսկ 1990-ական թվականների գրառումների բանասացները գերազանցապես Արցախ ազգագրական շրջանի ներկայացուցիչներ են: Բանա-

սացների մասնագիտական կազմը ևս բազմաշերտ է՝ արհեստավորներ, ծառայողներ, ուսանողներ, զինվորականներ: Նրանց սեռատարիքային խմբերն աչքի են ընկնում ազգագրական բոլոր շրջաններին բնորոշ օրինակալիություններ: Վերական բանահյուսության նմուշներ և քաղաքական անցքերին վերաբերող զրույցներ պատմում են Հիմնականում տարեցները, կենցաղային, երգիծական բնույթի զվարճապատումներ և հանելուկներ միջին տարիքի և սեռի ներկայացուցիչները, հուշապատումներ ու քառյակներ՝ խառը տարիքի և սեռի բանասացները:

Բոնազաղթվածներ Սոնյա Ամիրյանի, Լարիսա Կալուստյանի, Արևիկ Զաքարյանի և այլոց նկարագրած ահասարսուռ տեսարանները, ցավոք, վիպական զրույցներ չեն, այլ քստմենլի իրապատումներ: Հուսանք, որ Բաքվի Հայոց աստիճանի բանահյուսության նմուշներից գոնե մեկը երբևէ կխոսվի «արնոտ բերանով մարդակերների» խղճուկ հուզաշխարհը. «Աբուռը տվալ ընչանը, կերալ չի» [7(318), էջ 280]:

Ժողովածուի բնագրերի լեզուն թողնված է անփոփոխ՝ կիրառելով նոր ուղղագրություն: Այն ունի ծանոթագրություններ, բարբառային բառերի բացատրական բառարան, որն ընդգրկում է բանահյուսական նյութներում առկա դժվար հասկանալի ու փոխառյալ բառերի բացատրությունները:

Ծանոթագրություններում լուսաբանված են բանասացների ապրած միջավայրի, բնօրրանի նյութերի գրառման վայրի, ծագման հայրենիքի, գրառման ժամանակի, կենցաղավարման հանգամանքները: Տրված է ժողովածուում հանդիպող Համառոտագրությունների բացատրությունը, ընգրկված նյութերի ժանրային թվաքանակը հեքիաթներ (41), ավանդազրույցներ (10), զրույցներ(180), հուշապատումներ(28), խորհիկներ (32), ժողովրդական երգեր (28), առած-ասացվածքներ (35), անեծք-օրհնանքներ (61), հանելուկներ (14):

«Բաքվի Հայոց բանահյուսությունը» առաջին անգամ է դրվում գիտական շրջանառության մեջ և կարևոր ներդրում է Հայ հոգևոր մշակույթի ուսումնասիրության ոլորտում: Այն հնարավորություն է ընձեռում մեզանում եղած բանահյուսական Հարուստ նյութն ամբողջացնելու, զուգադրելու և Հայագիտությունը դարձնելու ռազմավարական գերակա ուղղություն պատմամշակութաբանական ընդհանուր գործընթացներում:

Ժողովածուն արժանի տուրք է ժողովրդագիտության զարգացման, բանասացների և բանահավաք-բանագետների անխոնջ աշխատանքի, մեր կողքին ապրած (Բարխուդար Ղազիյան) և ապրող (Սվետլանա Վարդանյան և Ալվարդ Ղազիյան) մարդկանց անձնադիր նվիրման հանդեպ:

ԹԱՄԱՐ ՀԱԹՐԱՊԵՏՅԱՆ